

皇清文穎續編

皇清文穎續編卷四

說

說雍謹序

吳省欽

乾隆五十年春二月丁亥

皇帝飭法從服禮服祇事於

文廟六奏備作神人豫和遂

詣彝倫堂更衣服實前屆

臨講處也當乾隆三十四年

上釋奠太學言臣以建置辟雍請格部議未舉四十七年

上臨度面執

命給少府錢率作興事鑿池壁圓中麗穹宇有門有橋古槐後蔭役歲上冬禮簪茲日越王公百執事聖賢裔姓逮六館生徒軒輦翔濟迺序於辟雍之南候

駕臨講敬止健行揆符合一稽唐虞三代而下人主

歷年七十以上者紀年至五十者上下千百年間  
世一遇至如

五世一廷愉愉緝緝昔

孔子集羣聖之成爲生民未有

皇帝以帝王未有之聖集帝王未有之福之成惟是  
建國君民教學首善古辟雍之制與夫臨雍講  
學之典有是名當有是實卽一端而我

皇上紀綱法度禮樂政刑之全胥準此已以

臣

弇昧

利觀

國光不揆不文謹撰說雍一精拜手稽首而獻曰  
古無辟雍之名至周始置王制天子曰辟廋廋通作  
雍辟雍者天子之學於虞上庠於夏東序於殷右學  
卽瞽宗周立四代之學合太學爲五學太學在東東  
膠又在辟雍之東辟雍環水天子承師問道行禮樂  
宣德化多就此行之其餘國子之學學禮就瞽宗學  
書就上庠學舞干戈羽籥就東序學樂德樂舞樂語

就成均此以知太學非清廟成均非辟雍韓詩說辟  
者辟取有德蓋讀若闕鄭康成禮注以辟訓明以廡  
訓和使天下之人皆明達和諧其箋靈臺詩亦言在  
辟雍中感中和之氣而大戴禮曰明堂外水曰辟廡  
是妄以明堂辟廡爲一蔡邕月令論曰取其宗廟之  
清貌則曰清廟取其正室之貌則曰太廟取其堂則  
曰明堂取其四門之學則曰太學取其周水圓如璧  
則曰辟廡是妄以廟學明堂辟廡爲一顏子容春秋

釋例曰肅然清靜謂之清廟行禘祫序昭穆謂之太廟告朔行政謂之明堂行饗射養國老謂之辟廱占雲物望氛祥謂之靈臺其四門之學謂之太學總謂之宮是妄以廟學明堂辟廱靈臺爲一黷政不經人鬼雜運陋儒從而信之從而述之要之殷太學在郊文王之辟廱故在郊周太學在國武王之辟廱故在國在郊故曰振鷺于飛于彼西雝在國故曰鎬京辟廱自西自東自南自北無思不服廱或作雝朱子曰

雖澤也說文無雍有廡从广讀若儼象對刺高屋之  
形四方有水曰邕故从邕毛傳曰辟廡水旋邱如璧  
以節觀者孔穎達疏曰璧體圓而內有孔此水亦圓  
而內有地猶如璧然此水內之地未必高於水外正  
謂水下地高故以邱言以水繞邱所以節約觀者

臣

竊以以水繞邱則必以邱起宮天子有辟廡諸侯有  
泮宮泮宮半於天子之宮也泮亦作頽頽池象璜圓  
池象璧池之上皆當有宮西漢末治明堂辟雍光武



中元立明堂辟雍靈臺三雍班固詩有辟雍湯湯之  
語而公玉帶所獻明堂圖亦環有水以雍訓和本  
而爲川之義詩來雝論語作雍意漢時靈臺亦壅水  
故曰三雍若雝雍皆从川以水而言當从雝以宮殿  
而言當从雍楊慎引水經泮水一名雩水在靈光殿  
東南卽魯泮宮故址泮乃水名不得以泮林爲半林  
豈得以泮宮爲半宮不知古天子諸侯有澤宮今府  
州縣衛學之廟曰泮宮宮前有池而

京師有廟有學無池

皇上君師統合議禮制度考文作

辟雍作

辟雍殿殿之制旣立故其文从雍不从廡池圓象德

圓

殿方象行方規矩之象昭焉天地之撰合焉良以

釋奠之典數舉

臨雍之典載舉而彝倫之堂可謂之學不可謂之辟

雍今有橋有門有池與詩注王廡水之外圓如璧者  
合有

殿與記所稱澤宮者合

講闡經訓丕變觀聽與白虎通所稱行禮樂宣德化  
者合先舉

釋奠與記所稱天子視學祭先師先聖遂適東序者  
合詩曰於論鼓鐘於樂辟廡大昕鼓徵臣庶感化彼  
綴文牽義之徒或曰辟之爲言積也積天下之道德

雍之爲言壅也雍天下之殘賊或曰辟者法之所自  
出本之以爲禮靡者和之所自生本之以爲樂附會  
穿鑿本義愈晦惟禮統謂辟靡內如覆外如偃盤禮  
書謂辟雍園而函方陰陽之義與圓璧之意不肯然  
言辟雍不言辟雍殿則以知辟雍不知古辟雍有殿  
我

皇上因心作則所傳者唐虞三代聖人之心所行者  
唐虞三代聖人之政所議者唐虞三代聖人之禮創

建非常洋洋堂堂懋敷

聲教仁敬孝慈信倫之所以敘也天行健君子以自強不息德之所以純亦不已也雖雖乎

議道自己隆禮由禮不特視漢唐陋儒專以辟雍爲習射養老處者意量固已霄壤卽文王在郊之辟廱武王在國之辟廱其淺深廣隘夫豈可同日語哉是故元明以來數百年未舉之典至

皇上而興實則唐虞三代以來盡美未盡善之制至

皇上臨雍講學將事豫備作

辟雍卽璧旋之邱作

辟雍殿而天下萬世始知以彝倫堂爲國學爲太學  
辟雍爲

天子之學殿取諸廣故詩禮並从廡漢書从雍作說  
雍

說傳 謹序

吳省欽

上天眷佑我

聖清於昭

烈光作求

世德景祚純嘏萬斯年時罔紀極粵乾隆六十一年

月正戊申朔

太上皇帝御太和殿傳

皇帝大位壽載清寧民物和說自神堯以來四千百

有餘載生民未有古帝王未有也禪舜禪禹中  
天稱盛要不一姓元會固然後之外禪無論已  
北魏延興祇以崇尚二氏禪代自逸唐高祖睿  
宗元宗宋高孝光三宗之世皆有內禪譬燭火  
之見太陽涓流之望瀛海讀韓愈對禹問語雖  
近正猶未繹自視自聽之義耳慈孝者天下之  
大經聖人之辭亦曰經易十翼有說卦至說夏  
禮殷禮職思文獻故識大識小尙焉臣曩獻說



雍說壽二篇一以識

太上皇帝辟雍殿禮成之盛一以識

八旬萬壽萬萬壽禮成之慶均愧不文絜承

褒賚際茲

紀元周甲

傳位大禮曠軼開闢雖雅頌之體難爲蹈詠矧敢以  
尋常符命之辭滋之褒越謹成說傳一千四百  
八十餘言推

上天符

望之原暨萬世子孫臣庶無疆無期之祐拜手稽首  
進焉說曰

歲德柔兆曰丙執徐曰辰初曰元曰出土曰旦傳曰  
授聖人之大寶曰位位傳傳政也政傳傳道也堯傳  
舜舜傳禹禹傳湯湯傳文武周公文武周公傳孔子  
孟子傳是道也堯傳舜舜傳禹傳是位也禹之位不  
能待湯與伊尹萊朱而傳湯之位不能待文武周公

孔子孟子而傳傳位者必其傳政與道者也反之之  
聖無論矣孔子孟子之位不若周公周公之位不若  
文王文王之位不若堯舜禹禹傳子堯舜不傳子禮  
七十曰老而傳註傳家事於子也家有事國有政天  
子天下爲家位之必得由於大德其極至於得壽而  
祿與名在其中孔子曰唐虞禪夏后殷周繼繼世曰  
傳世父子相繼曰世三十年亦曰世禪曰代曰續亦  
曰傳傳位卽傳政傳政卽傳道傳道卽傳心心之在

人猶之在天天何心以聖爲心聖何心以民爲心舜  
臣堯而堯之位傳舜禹臣舜而舜之位傳禹莫之爲  
而爲也天也

太上皇帝沖齡而被

祖眷首祚而祈

天眷循六十年一周之運繩數千年一見之

武先焉弗違後焉奉若莫之致而至也

天也一貫三爲王王者母地父天天仁愛斯民先仁

愛其子天仁愛其子由仁愛斯民民歸之天與之史  
之言內禪者無是焉經之言外禪者由是焉舜傳禹  
之年當九十五歲孔安國謂舜六十二歲卽位又三  
十三年乃求禪禹是也堯傳位之年孔安國謂八十  
六歲堯年十六自唐侯升爲天子在位七十六年時  
年八十六咨命異代是也堯卽位以甲辰舜受終以  
丙戌辰者萬物之蜃也伸也萬物舒伸而出也丙者  
陽道著明也或曰炳也物生炳然皆著見也首甲會

子次甲會辰辰所再會則爲丙安國所說類後出之  
古文尙書之言後之人依約推之今之

聖符節合之無心成化榮鏡往典箕範之言五福來  
備曾及此哉非莫之致而至者哉雖然福者德之致  
德者福之基德若堯舜至矣蔑加矣堯舜禹之德孔  
子以大哉君哉有天下而不與盡之矣宰我之贊孔  
子又以賢於堯舜遠矣堯與舜固君臣非父子矣今  
太上皇帝德之賢於堯舜民無能名

臣請名言夫

福之賢於堯舜者

五世一堂不日而演次六視九族之親睦孰優六幕  
一廷服案而計絜萬視百姓之便章孰勝天西海東  
交南漠北職貢而効隸僕視萬邦之協和孰廣風和  
雨甘穀成年順成賦而

蠲金粟視九年之昏墊孰熾至如

躬親大祀徧秩百神豈直內外之類禋書躬循俗冠  
服守古豈獨鑿軒之鼓舞

省方觀民治河及海豈計肆觀四朝之載引對日勤  
升顙路闢豈襲四目四聰之迹矧乃河出璆磬土出  
鎛鐘何如九招之奏笙鏞課晴

旰食課雨

宵衣何如五弦之鼓薰時

五集麗於星雲

十全邁於千羽禮樂之興百年而又百年

人壽之浴必世而復必世有



耳目聰明天下皆寧之樂無明揚側陋耄期或倦之  
客有考信著義舉世至治之徵無殄行讒說迪哲其  
難之慮蓋古之天以禪爲繼堯舜特揖讓以開先而  
事行其偶今之

天以禪爲繼

堯舜在翼詒以昌後而理卜其常

禪籲自

元祚之初貞符答

九天而上諄諄然喁喁然臯所云薦之天而天受者  
其疎戚近遠長短廣狹何若耶彼唐詔令所載宋新  
禮所編授受有儀起居有節其又何力之與量何德  
之與度耶臣又聞易保太和太者大也奉

太上之徽稱書建皇極皇者大也仍

皇帝之鴻號

頒冊太和之殿天下於以集保合之禎宴嬰

皇極之廷天下於以仰敷錫之本稟

訓行於

定省颺喜起於

明良唐哉

皇哉

皇哉唐哉唐傳虞分而兩朝堯典不過冠虞書之首也

堯傳

舜合而一家乾元所以衍震卦之序也旣生堯復生

舜謂同出姬姓而難稽幸遇

堯載遇

舜信申錫

聖朝而罔敷維

皇祖享國長久而

聖述之維

天子萬祐顯承而

聖作之作之君作之師天之佑下民也然止於慈止

於孝天之新周命也然傳以子立以賢

天之緝熙維

清也然歲元日元元氣融液元乃善長厥體曰仁

天仁愛我

太上皇帝之仁愛斯民能法

祖以致孝而不敢踰其箴

天又仁愛我

太上皇帝之仁愛

子帝能尊

親以致敬而不啻執其矩矱改元之旨者以仁爲訓  
不知元年非曰仁年昧善終之義者以終爲諱不知  
有終乃考終命堯舜之智乃能知其臣之賢賢故禪  
也堯舜之仁不能保其子之肖肖則繼也假而孔子  
孟子生今之會際今之運等差百王揚摧美懿見今  
聖人之家天下賢於古聖人之官天下首出庶物繼  
照四方

聖位傳

聖政傳

聖道傳

聖心傳心傳

天心位傳

天位傳也繼也禪也何論乎唐虞何論乎夏后殷周  
之盛

乾爲天爲君爲父說

李如筠

臣聞圓穹甄度而清陽無計量義圖所以衍太極之儀也璣鏡闡符而景運合鴻濛龍德所以正九五之位也卽乾象之著驗聖籙之躋若符契焉然盛陳主極者必曰法乾曰乘乾不知文言稱大人與天合德者沕穆之宰與緝熙之源渾然罔間蓋卽身而賅四德之全備大生之蘊矣乾象之爲天爲君爲父以一函三之道也

臣

謹案朱震漢上易傳云天位者中正



也帝位天德者剛也天道者其行以正也天德者不可過也是以乾統天之說也若夫數開於一位正乎五用神於九在幹爲孚甲之甲在辰爲孳萌之子在律爲根本萬事之黃鍾又象之分著者也余氏易集說云天積陽而居上乾三畫純陽爲天尊而居上君之象萬物資之以爲始父之象亦以天象證人事惟王申子大易緝說稱乾爲天以象言爲君爲父以人道言夫曰道則必有修身及家平均天下之實彌綸

宇宙垂裕萬世之業足與璿樞斡運綿亘於無窮者  
不徒曰象而已超汝樛易雅通釋謂求象數者必本  
於道臆哉言也恭惟

太上皇帝體元得一

運健當陽撫五辰齊七政四時合序而六位時成卽  
乾之所以爲

天也

太上皇帝御寓以來久道化成函夏棣通範圍質紘

蟠際垓圯是乾之以

天道爲

君道也乾靜專動直是以大生而繫辭稱

天地之大德曰生卽繼以

聖人之大寶曰位今

太上皇帝精一傳心上契

蒼表衍丕承之嘉貺垂

燕翼於蘿圖是乾之以

天道爲

父道也夫崇高者象也燦著者道也臣竊以謂求

天象之確然示易莫若徵之爲

君爲

父爲

天合德之

聖人臣學識庠凡見侔坐井雖日依

天咫筦闕笠寫無得而名謹就得聞

聖人之文章與平日肄經所及引而伸之觸類而長之冀於

巍巍蕩蕩萬有一得焉夫乾象端倪三百八十四爻橐籥萬有者健德也

聖製經筵御論曰

天之運行終古不息不惟不息蓋並不息亦無意於其間大哉味

聖人說經之文知

聖學崇效之原與

昊緯旭卉同其運量矣仰惟

大聖人建中建極純純常常

園壇

紺殿

躬親昭假

五朝歲冊展誦循環惟日以全體至誠爲基命定命之本

蠲租豁漕賑糧貸籽求寧求莫吝賜詢雨厯保赤孚  
惠心勤時邁以鞠謀保居則有若

興京陪都津淀嵩高江介二瀨東岱宗西臺懷

斗車所運雲行雨施籌河觀海省斂助耕罔弗保合

太和各正性命者

天德之元也

聖製南巡紀以敬

天明理並舉是以

堯文富美臚實紀政言必稱

天煥如星日東壁皮書三萬六千

肇造清篆訂重譚刊舊史三禮三通

方畧會典示九有以同文圖明備之禮器釐中和之  
樂章建辟廱廣蕊榜更老飲淳耄耄觀光石鼓石經  
麟麟炳炳

聖作物覩而天下文明者

天德之亨也



聖製開感論稱信

天主人蓋信

天爲知微知彰知柔知剛之本是以準回底定台吉  
燕譽促浸枚寧厯邛鞬膊靖朱波奠臺澎宅南交綏  
竺藏或襲我冠帶或膜拜都剛耆定膚功至於

十全蒙古塞宴朝鮮年班甌脫一家衛拉四部衣食  
游牧茶布酏酪宛駒闐璧馴象南金北至額濟勒西  
至霍罕東朱蒙而南占城歸順歸降迺候迺尉職貢

之圖以部落區名者三百有餘

首出庶物而萬國咸寧者

天德之利也

聖製經筵御論曰

天卽聖人聖人卽

天四時行百物生卽聖人之視聽言動晝作夜息此

真惟

聖憲

天之實乾之剛健中正純粹以精卽

聖人之剛健篤實輝光日新其德也是以

勤政榜殿敬勝名齋抑詩奏於

講筵求衣問夜昧爽丕顯晨章午奏不遺不泄臣鄰  
書思庶官瞻就

萬幾之暇猶染雲翰親玉弭馭天閑所其無逸若南  
苑之蒐木蘭之彌大液冰嬉歲以爲常曾不倦勤如  
一寒一暑歲功用成而宿離不忒也爰是

五福嚮用

四時克全莊敬日疆

神明致壽

春祺普鬯晬容益腴然猶終日乾乾自強不息者

天德之貞也

聖製經筵御論曰求

天於

天不若求

天於已贊乎尙哉以此知

聖人得

天之厚蓋真與

大鈞合撰明旦弗懈呼吸與通純亦不已動合

天則是以

登極之初默禱

泰元先定之志亦如

昊天之有成命今果衍蕃釐周鳳紀符

初望舉上儀軼義軒巢燧之彌文元會運世千載一時洵所謂先

天弗違後

天奉若者矣

聖人卽身而賅四德之全合

天道而一之者有如此祁瀛授受隆阜中古我

大聖人峻德豐功固已超越唐虞而

一堂逢吉萬禩延洪

吳脊之隆益邁勲華而上之矣蜚亢而後簡帙所臚  
無足婉隆

盛軌者

臣

愚以爲

聖人舉事法

天而不必師古夫萬物本乎

天乾元資始元氣根蔕百昌亭育

父道也易稱

帝出乎震萬物出乎震震稟乾之氣以生物者也乾

實

父震是曰大生

聖製讀召誥文曰君者

天之子也

天者君之父也父之於子無不亟其愛

臣竊以爲

天之用其愛者弗祿純嘏單厚戩穀保佑申錫立之  
君以康乂民普天下之愛而不私

聖人之用愛以六十年富有日新之



盛德大業成天下之亶亶者垂爲

家法用虔鞏丕基於萬斯年其

愛之公而普不啻純嘏弗祿單厚戩穀保佑申錫之

諄諄然命之也自

天子以天下

養下逮羣臣百姓裨瀛內外莫不

尊

親有

天之尊用能併幪廣大主宰綱維專與華始茂豫桐  
生暢九垓而沂八埏有

父之親用能以天下爲一家惟時

怙冒烝慈襲恩昭茲來許千祿百福綿綿延延也

聖製讀韓愈對禹問文闡與子之大義曰民之所與  
卽

天之所與是以人君祈

天永命莫先於愛民

聖言淵邃足以櫟括宋儒張載所稱

大君宗子民胞物與之義是以

授受初元

詔免寰宇正供羣生嚙嚙戴粒含哺

聖人孩之之義也月正吉亥重舉

耆筮聚天下之眉梨蜚飴飲以天和

老老以及人之老天下之父歸之之義也乾稱

父之義充周盛大非僅如西銘所云而已蓋惟

異天子

天子

太上皇帝爲

天子

父凡四隩九州含齒戴髮食毛踐土之蒼赤仰

慈父之煦嫗生成者旣深且夙今復以引以翼以

天子之

父慈天下之人是乾之以大生爲生也由是

天家龐禔茂福孔固孔長亦猶生數之始於一盈於  
萬紛紜於億兆京垓而不可紀極也

聖人卽身而備大生之蘊合

天道

父道而一之者有如此

臣

載考皇雄肇畫九聖研精

咸以人事證天象其說難知乃今始曠然若發衆知  
數千年以前說卦之聖人若爲今日集大成之

聖人豫揭其象也

臣

又證諸詩書勅幾康以寅昭受

勤孚佑以答棐忱受帝祉則曰施于孫子昌厥後則  
曰燕及皇天惟是仰觀垂象履順召祥從未有

道合

天而

福亦如

天以四德爲綏極之原以大生爲

穀貽之慶如我

太上皇帝者也敬繹

聖製經筵御論曰

天行健行所無事而自健也君子以自強不息則猶有勉強之功焉然至於不息則與

天行之健同所謂及其成功一也

臣

謹案吳沆易璇

璣曰一元肇判立極成乾數明於後象表於前求其至當未有不出於自然夫自然者以

聖人之不息合

天之健行所無事也李簡學易記曰庖犧始作八卦

以通神明之德以類萬物之情乾之於八卦

天之於三才

君之於臣

父之於子皆一道也

臣

又聞天皇之初與乾曜合元

壽萬八千歲夫乾之策二百一十有六衍而至萬有  
一千五百二十起祿於是積祿亦於是啟元以貞如  
環之循

天壽平格



聖壽無量卜世卜年與

天無極矣豈非開闢以來元苞珍符未有之盛哉

典謨範一貫說

阮元

臣聞三皇之書言大道五帝之書言常道典者常也堯授諸舜舜授諸禹同此一道而禹敷文命承天瑞演洛書九疇而敘之名曰洪範範亦常也當舜之時禹挈陶矢厥謨謨者模也以其爲常道可爲模範也書標七觀而典謨範三者異名同訓以其所言之義本同可爲萬世法守帝王紹天闡繹首出咸寧此三書者心傳合焉道統備焉慶惟

太上皇帝紀元周甲授受禮成

臣伏思

盛德全福自邗姚而下無能比擬萬一惟堯舜禹相傳之書紀綱八極爲修官上道庶可以仰窺

聖人傳心之學焉伏讀

御製五福頌表

踐阼之初炷香告

天之語至辛亥

經筵

講大禹謨允執厥中句既著

御論復申以識語因禹謨而及論語洪範而根柢舜  
典正月上日受終文祖之句虞廷授受與洪範嚮用  
其義互相發明一以貫之

臣竊謂

聖人致福之原傳心之學實貫通乎典謨範三書有  
可以徵實而臚陳者恭繹

五福頌序謂諸福受於

天惟攸好德修於人攸好德頌云福何由生端在於

德又云五福之四賅彼四則至矣哉

聖人之德

聖人之所以致福也堯典言克明俊德舜典言元德  
升聞大禹謨言帝德廣運皋陶謨言允迪厥德洪範  
五皇極曰予攸好德汝則錫之福此則五福主德之  
證也

御諭讀召誥篇一言以蔽之曰曷其奈何弗敬蓋  
聖衷淵粹廟寅惟嚴自

冲齡居

重華宮潔治書室名曰抑齋

御極以來仍以此表額

御製記闡明陳

天命謹屋漏稟顧諟欽幾微之意無適而非敬也堯  
典言放勳之德而首著欽之一字又典謨言欽凡十  
三字又堯典言允恭言敬授舜典言溫恭言敬敷言  
惟寅大禹謨言祇承言敬修皐陶謨言兢兢業業言

敬哉有土益稷言慎乃在位言惟時惟幾範言敬用  
五事則貌言視聽思皆本敬也

聖敬悠久至誠無息凡實心實政皆貫以一誠舜典  
言允塞真德秀謂唐虞時未有誠字允塞卽誠義也  
聖膺

天眷听久欽承純亦不已

臨雍暨前後

經筵

御論屢以乾卦大象發明白強不息之義西師告蒧  
御製開戒論特揭信

天主教發明順

天者昌之理堯典言欽若昊天又鄭康成說稽古云  
堯能順天而行之興之同功大禹謨言帝德而推本  
於天之眷命範言舜倫而推本於天之陰陽皆順天  
之義又益稷篇言昭受上帝天其申命用休言勅天  
之命惟時惟幾卽是義也



躬親

郊壇大祀備致誠虔舜典言肆類於上帝類非常祭  
比類常祭而爲之是以名類然則言類則常祭可知  
舜典又言典朕三禮汝作秩宗傳以三禮爲天地人  
之禮秩宗爲主郊廟之官範之八政其三曰祀鄭康  
成說祀掌祭祀之官若今宗伯者是其義與秩宗同  
皆爲重郊廟之祭也

朝日

夕月諸中祀

躬親一周及於

岳瀆咸

命使祭告者舜典言禋于六宗望于山川傳以六宗  
爲四時寒暑日月星水旱是其事也

聖心寅篤無事不上法

列祖

命編開國方畧者闡

功德也書薩爾濟戰事者誌

締造也

諭立卧碑述

太宗訓守冠服騎射者凜

成憲也每晨

恭誦

實錄者重

祖訓也

作紀

恩堂前後記者遠事

聖祖不忘

恩教也舜典言熙帝之載以其事皆堯之事又大禹謨言惟帝時克帝德廣運皆不忘前列之義大禹謨又言罔失法度益稷篇言慎乃憲皆恪守成法之意也

臨御處皆以勤政顏額

法宮

行在秉燭待章

丹毫親批日數十事

書周書無逸篇揭於座右

御論君子所其無逸訓所爲處與召誥王敬作所相  
發明大哉

聖訓經義所折衷也堯典言允恭鄭康成說不懈于  
位曰恭大禹謨言無怠無荒言克勤于家臯陶謨言

政事懋哉懋哉益稷篇言予思日孜孜皆言勤於治  
理臯陶謨又言一日二日萬幾臣伏讀

御論謂此幾應訓心而不訓事心蘊於中無一息之  
停則其思慮有不啻以萬計者蓋謨義得此

闡發而始明

聖心經緯萬端

睿思默運堯典言文思鄭康成說慮深通敏謂之思  
其註攷靈耀云道德純備謂之憲蓋用馬融說二義

互相備範言思曰睿睿作聖益稷篇言惟幾惟康又  
言惟時惟幾皆與此相發明也 臣 又伏讀

四知書屋記以知微知彰知柔知剛爲熙政詰戎之  
本

睿慮所周無不先幾洞燭堯典言欽明鄭康成說照  
臨四方謂之明舜典言濬哲文明範言明用稽疑皆  
是也 臣 又伏讀

御製晏眠時有晏眠人謂樂晏眠我謂苦之句仰見

聖人之勤出於自然孟子所謂堯舜性之也堯典言  
安安傳謂從容中道無所勉強益稷篇言安汝止亦  
此義也

召見內外臣工至於一命亦無遺焉舜典言詢于四  
岳咨十有二牧皋陶謨言九德咸事俊乂在官百僚  
師師百工惟時範之八政鄭康成說以八政皆掌其  
事者之官此皆重庶職之義也內外大小臣工勸懲  
黜陟一準功過舜典言惇德允元而難任人皋陶謨



言知人則哲能官人益稷篇言敷納以言明庶以功  
車服以庸範言有猷有爲有守汝則念之不協于極  
不罹于咎皇則受之是也

仁育萬物

惠養黎元歲稽民穀之數及各省收成分數

躬耕藉田以勸農

普蠲天下正賦四次

普蠲七省漕糧三次偶一隅偏災卽

命蠲賑並施卽勘不成災亦

命緩徵加賑凡蠲賑統計億萬所以

愛民而重農也大禹謨言厚生洪範言農用八政鄭  
康成說農讀爲醱孔安國訓農爲厚是與厚生同義  
又堯典言東作西成舜典言播時百穀益稷篇言烝  
民乃粒範言百穀用成又大禹謨言六府分土穀爲  
二範言五行則曰土爰稼穡合土穀爲一皆重農之  
意也占晴課雨

聖懷無時或釋驛詢外省雨水情形

臣

伏讀

御製詩集無非念雨暘厯祈禱用能感孚

昊蒼綏豐屢告舜典稱食哉惟時時卽雨暘之時與  
洪範八庶徵義同範言念用庶徵又言王省惟歲曰  
念曰省均此一心實爲建極之本又大禹謨言水火  
金木土穀惟修正德利用厚生惟和

臣

伏讀

御論謂惟修可以由已而惟和不能由已必求陰陽  
之和風雨以時亦惟祈年慎德饑溺在懷而尤重於

察民隱不諱災斯爲致和之道大哉

皇言實本諸

聖躬之體驗而垂爲謨訓也

臣

又伏讀

御製節儉論於修己治人之法

訓示諄諄堯典欽明文思鄭康成說敬事節用謂之  
欽是節用亦欽之一端大禹謨言克勤于家與論語  
稱菲飲食惡衣服者相合範之八政以食貨爲首是  
節用爲滋生之本其義自駭舉也

命纂禮器圖式典章大備爲萬世法程

社稷壇用玉

壇

廟祭祀攷定古制用籩豆鉶登諸器

定鹵簿

定歷代帝王廟祀典

詔行鄉飲酒禮此熙洽之鴻規也舜典修五禮如五  
器孔穎達說五禮卽周禮大宗伯之五禮王樵說五

器如簠簋籩豆旗物鐸鐃琴瑟鐘磬玉帛之屬是其義也

恩給宗室四品頂帶

賜宗室宴於

惇敘殿堯典言以親九族九族旣睦皋陶謨言惇敘九族是也

天家五代一堂

玉牒十一世堯典九族上自高祖下至元孫是也

定祭祀朝會燕饗諸樂章

定詩經樂譜全書補笙詩六章舜典言詩言志又言律和聲八音克諧無相奪倫神人以和益稷篇言欲聞六律五聲八音在治忽是也

詔製鑄鐘特磬列於大樂益稷篇言戛擊鳴球鄭康成說鳴球卽玉磬也磬縣也而以合堂下之樂玉磬和尊之也爾雅釋器云球玉也樂器惟磬用玉故球爲玉磬益稷篇又言笙鏞以間孔安國說鏞大鐘爾

雅釋樂云大鐘謂之鏞詩商頌庸鼓有敔毛傳鏞大鐘是也

頒時憲書改正月令之誤增入回部兩金川各土司并安南節氣時刻堯典言敬授民時詳分職頒布置閏定時之法舜典言在璿璣玉衡以齊七政又言協時月正日範言協用五紀是也

定職官表重庶績也堯典言允釐百工庶績咸熙舜典言百揆時敘



詔開恩科八次茲復

詔舉天下孝廉方正崇籲俊也舜典言闢四門明四  
目達四聰大禹謨言野無遺賢範言人之有能有爲  
使羞其行而邦其昌

命給留任官俸米

廣恩施也範言凡厥正人旣富方穀

四巡陪京六巡江浙近自津門暨岱岳五臺嵩洛皆  
親駐蹕展義省方觀民察吏無非事者虞書言歲二

月東巡守五月南巡守八月西巡守十有一月朔巡  
守又言五載一巡守是也

閔治浞河

命濬陶莊六塘伊家諸河於清口誌水宣洩於浙江  
海塘則建石以重保障舜典言濬川益稷篇言決九  
川距四海濬畎澮距川範言水曰濶下亦通利順物  
之義也天下庶獄必

親覽讞詞茲復

恩詔赦除諸罪舜典言典刑而申之以欽哉欽哉惟  
刑之恤哉又命皋陶作士申之以惟明克允大禹謨  
言明五刑弼五教刑期于無刑民協于中又言好生  
之德洽于民心範之八政六曰司寇此卽周官所謂  
以詰邦國以糾萬民者而列之於農用以見其爲厚  
民之生亦弼教協中之義也

恩給壽民銀緞扁旌其門其百歲以上及同居數世  
者

賜以詩章民間五代同堂者數百家乙巳暨本年一月兩舉千叟宴依

聖祖盛典也範之五福一曰壽鄭康成說康寧攸好德皆通乎天下而言則壽富亦通乎天下徐幹中論以此爲王澤之壽是也

聖學高深

文德昭煥

御製詩五萬餘篇

文千餘篇

欽定四庫全書

題詩以并簡數百首重排石鼓文刻石經置太學

御纂三禮義疏并易詩春秋論定諸史堯典言文思

鄭康成說經緯天地謂之文舜典曰文明大禹謨言

乃文範言皇極之敷言是彝是訓于帝其訓是也

訓諭肄武整飭戎行定武職品級置健銳火器營京  
城三營增爲五營洪範八政其八曰師鄭康成說師

掌軍旅若司馬者司馬名不見虞書禮記疏引鄭云  
堯時祝融爲司馬說苑云契爲司馬是兵制乃唐虞  
所重也

聖武布昭拓疆戡暴伊犁回部金川臺灣安南緬甸  
廓爾喀凡七地而

功十全大禹謨言帝德廣運聖神之後次以乃武武  
乃聖神之所發見皋陶謨言天討有罪亦其義也其  
不加征而自來歸者則土爾扈特拔達克山安集延

痕都斯坦布魯特之屬皆是其海外遠國來貢者則  
高麗暹羅琉球南掌荷蘭之屬皆是堯典言光被四  
表鄭康成說堯德光耀及四海之外大禹謨言文命  
敷于四海卽禹貢所謂東漸西被朔南暨聲教訖于  
四海者益稷篇言光天之下至于海隅蒼生又言外  
薄四海咸建五長傳謂內布中國之政教外通蕃夷  
之職貢又舜典言蠻夷率服大禹謨言四夷來王亦  
其事也每歲秋

大駕至木蘭行圍各藩部順時展覲所以肄武而綏  
遠舜典言柔遠能邇謂能視遠如邇皆柔安之是也  
是皆由我

太上皇帝自強不息

錫保綏猷自

御極以來六十年如一日用能凝承

篤祐

禋福中外堯典言協和萬邦黎民於變時雍大禹謨



言萬邦咸寧益稷篇言萬邦作乂是也

臣敬繹

御製詩自辰至卯以十二年爲一編每年自元旦至除夕實心實政形諸吟咏而一言舉要則惟以敬天勤民爲兢兢仰惟

聖祖

世宗傳用敬

天勤民之寶

御製四言詩中有四字心傳傳千萬葉之語而於

天民視聽回旋協應之理三致意焉慶逢丙辰元會  
太上皇帝寅承錫羨

親授心傳

聖人致福之本直舉典謨範而一以貫之所謂允執  
厥中建用皇極者至是而始全道統治統集其大成  
自剖判以來所未有也猗歟盛哉

闡元說

李宗瀚

臣聞大易之義首曰乾元乾者天之象元者天之德  
亨利貞亦元之所統也子夏傳云元始也孔穎達疏  
云聖人亦當法此卦而行善道以長萬物物得生成  
而爲元蓋天秉元以廣運於上聖人體元以凝承於  
下其義一也伏惟

太上皇帝陛下乾元合德健行不息同體於

天自乾隆丙辰紀元旣周甲子乃

詔今丙辰舉

授璽上儀改元嘉慶

臣

聞亨者嘉之會嘉會足以合

禮又聞必有餘慶嘉以成慶統繫乾元蘊義至淵博

焉書曰元首起哉元首明哉前丙辰之元也頌曰建

爾元子書曰一人元良萬邦以貞今丙辰之元也謹

按春秋書元年公羊注云元者氣也天地之始爲王

者改元立號穀梁疏云元者氣之始爲春秋五始之

一董仲舒云春秋謂一元之意謂一爲元者視大始

而欲正本也春秋深探其本而推之至於正百官正萬民元之時義大矣彖辭曰大哉乾元萬物資始乃統天至哉坤元萬物資生乃順承天今

太上皇帝命直省頒行新朔而宮庭用乾隆六十一

年時憲書於乾元統天坤元順承天之義若合符契

而

臣

推其所以致此者尤有本焉元之德莫先於敬

天乾元者始而亨者也疏謂夫子恒以元配乾而言之乾卽天也

太上皇帝敬德昭事六十年如一日歲

三大祀必

躬必親壹志辟容

精誠感格

社稷加玉

壇

廟定祭器鐫敬

天勤民之寶

製信

天主人之論欽承

昊貺

聖敬日躋此元之合乎乾與

上帝呼吸相感通者也元之德莫大乎法

祖乾元萬物資始始者祖也爾雅亦以祖與元同詁

爲始我

國家

聖

聖相承重熙累洽

太上皇帝寅紹丕基無事不敬法

列祖

命編開國方畧

御製薩爾滸書事以誌

王業之興立碑箭亭守

太宗訓無改冠服騎射作紀



恩堂前後記每晨恭讀

實錄周而復始四詣

盛京

御製詩賦以揚

謨烈垂之無窮此元之本乎始者也元之德莫切於  
勤政愛民元者善之長也君子體仁足以長人

太上皇帝書無逸篇揭爲座右銘秉燭待章宵衣臨政  
河工海塘不恤帑藏億萬萬以衛民業五

豁繆租三蠲漕粟以至賑糧貸籽積欠所免以數千  
百萬計

巡幸所至補助優渥民數穀數兩暘收穫必驛詢大  
吏酌劑而調護之視薄海億兆猶一身此元爲善之  
長夏書所謂衆非元后何戴周書所謂元后作民父  
母者也由是本元德以經文書曰亶聰明作元后易  
曰黃裳元吉黃離元吉是已

太上皇帝典學高深度越萬古

經筵御論

臨雍講學排石鼓補笙詩四庫儲書十三經刻石

聖文千餘篇

御詩五萬什莫非元氣之所布濩焉本元德以緯武  
易曰大有元亨君子以遏惡揚善順天休命是已

太上皇帝奮武開疆戡暴柔遠蕩伊犁帖回部剿金  
川靖臺灣爲亘古未有之功烈緬甸安南廓爾喀之  
屬驚慄

天威虔修職貢戰圖所繪聿臻

十全莫非元聲之所震疊焉元年

恩詔

恩賜

恩賚

賞月糧

給棉絹米肉

命養贍

免賠罰

渥澤所敷靡一物不得其所則益之九五有孚惠心  
勿問元吉者乎優老之典如例舉行元正四日再舉  
千叟

恩宴聯八百席聚八千人則鼎之元吉亨大亨以養  
是以元亨者乎

賜百官爵各一級封蔭如典開復處分舉孝廉方正  
以示

獎勵則比之元永貞乎

廣春秋大小試額各省儒學以正貢作

恩貢則升之元吉乎舉一切祀典如例則書之稱秩  
元祀者乎

命有司加獎農民則禮之元日祈穀元辰耕藉者乎  
赦軍流以下宥眚緩刑滌蕩振刷與民更始則訟之  
元吉乎蓋惟

聖人之元合撰於

天之元體元之德如此其備斯元之致福隨之書曰  
茲亦惟天若元德注云惟天順其大德而佑之是以  
太上皇帝五代一堂

玉牒十一世

聖壽八旬開六日進無疆說文曰元从一从兀元高  
也與堯同意

太上皇帝惇德允元粵稽古帝堯庶可並駕六帝者  
不足數也夫改元始於漢文有後元年之名建號紀

元始於漢武有元朔元鼎元封之號至謂元宜以天  
瑞命不宜以一二數一元曰建二元曰光三元以郊  
得一角獸曰狩禘哉陋矣洪惟

聖朝

泰元甄貺越契踰繩書曰惟王位在德元

太上皇帝以元之位與元之德

授受大廷卽二典月正元日之文尙非倫比况下此

者乎

臣謹上稽我



朝受

命之始天聰元年歲值丙辰紹

天闡繹垂裕方來乾隆以丙辰紀元六十年震寓棟  
通太和翔洽今嘉慶改元復值丙辰乾苞坤符蒼翠  
一時洵軒轅甲子四千四百九十三年未有之盛按  
漢書志曰明炳於丙振美於辰丙辰紀歲旣符於明  
炳振美之文又爾雅釋天壽星角亢也疏引漢志曰  
辰爲壽星方今歲旣在辰有合於壽而角亢二宿又

值

殿廷叟宴之日於元正捧觴介

壽之意尤有相脗合者

太上皇帝洪算彌延六甲錫羨仍

綜萬幾之大綱凡敬

天法

祖愛民諸實政以暨

文德

武功之大全猶曰孜孜協於元德然則六十年此一  
元卽萬萬年此一元邵子所推元會運世之數一萬  
八千年爲一會十二會謂之一元漢志太極元氣罔  
三爲一行於十有二辰又曰元體之長也合三體而  
爲之原故曰元三統合於一元故因元而九三之以  
爲法十一三之以爲實得十七萬七千一百四十七  
二篇之策萬有一千五百二十皆乾元之所轉運而  
彌綸也卽

聖壽之所以無量而

全德

全福之所以與

天同久也大哉乾元實統乎天其義不誠難歟

學禮學義說

阮元

嘉慶三年歲在戊午仲春之月

皇帝躬詣太學

釋菜於

文廟

講學於

辟雍於時公卿大夫博士弟子觀

禮而聽

講者莫不儼容誠服退而述文綴藻對揚

景運

臣

時方奉

命督學浙江不獲與橋門觀聽之列竊不自揣亦欲  
單管蠡之見祇飾厥文以行鬯

風猷粵陳

懋典伏按高堂生所傳古禮經有冠射聘飲諸禮而  
小戴記卽有冠義射義聘義鄉飲酒義等篇說經者  
謂禮以行義義以明禮禮者其節文義者禮之所緣

起尋其大指一以臚敘儀制一以推究理道二者互相表裏也賈誼新書及大戴禮保傅篇並引學禮學禮者蓋古禮經之文今高堂生所傳已無此篇小戴所錄有學記大學二篇說者疑其卽爲學義如冠義之類又祭義篇言四學合諸學禮之言五學大致畧同疑其爲學義文錯見於此惜乎禮經多闕無明文以證之就其所引帝入東學云云是天子視學之禮當備載篇中迺若甄綜古籍統括大要則如虞書之

典樂教胥子周雅之辟廱周頌之西雝魯頌之泮水  
周官之大司徒大宗伯所屬之職及大小戴賈誼所  
記尚書大傳白虎通德論所說自漢至唐經生所討  
論遺文舊詁遑遑而在洪惟我

聖清受

天眷命爾育九宇順治八年

世祖章皇帝視學康熙八年

聖祖仁皇帝視學又



御製孔子贊

御製四子贊

御書聖經均刊石垂萬世

世宗憲皇帝雍正二年六年皆

視學

筵章懋舉度超前代

太上皇帝躬詣太學始於乾隆三年嗣後庚申甲子  
癸酉則於仲秋丙子乙丑則於仲春俱有

御製詩勒石及癸卯之歲

詔建辟雍攷定古制循名覈實至乙巳而落成自元  
世祖迄今五百餘年環流之制始備遂於是歲

親臨講學園橋門而聽者咸歡欣感奮僉曰盛哉乎  
聖人之德以堯舜兼孔子自生民以來所未嘗有

皇帝親受

心傳寅奉

訓政通

光承

福人神和治於是

視學之禮行焉

臣用是知

聖朝制作準之於義宗之於經禮樂明備折衷至當  
聖天子敬循

初典修禮廣教興學育賢茂矩垂乎萬禩卓蹤冠乎  
三五非漢唐以來緣飾具文者所能比擬乎萬分之  
一也粵若初

綸言肇宣誕告萬方

詔禮官考定禮儀周官大宗伯帥執事而卜曰宿眚滌濯涖玉鬯省牲饌奉玉盥詔大號治其大禮是也  
前期一日樂部設中和韶樂於

辟雍階下設丹陛大樂於太學門內丹陛清樂在太  
學東罇鐘二編鐘十有六青玉特磬二編磬十有六  
琴六瑟四排簫二簫六箎四龍頭笛六笙六塤二大  
鼓一搏拊二柷一敔一木笏六麾旛一龍頭杆卅有

六羽籥卅有六旌節一周官大司樂凡樂事大祭祀  
宿縣遂以聲展之是也太常卿設祭器及周範器犧  
尊雷紋壺子爵內言卣康侯鼎盟簋雷紋觶召仲簋  
素洗犧首鬯稟守

太上皇帝欽頒法物用副

孔子從周之志魯論周監於二代郁郁乎文哉吾從  
周是也司空之屬設

御幄於大成殿階下之東南向周官掌次掌王次之

灋以待張事王大旅上帝則張璫案設皇邸朝日記  
五帝則張大次小次是也厥明鑾儀衛設

法駕鹵簿周官典路大祭祀則出路贊駕說是也太  
常卿告時周官雞人凡國事爲期則告之時是也  
皇帝御法服乘輿出前引後扈如常儀周官齊右王  
乘則持馬行則陪乘是也

午門鳴鐘鼓韓詩古者天子將出則撞黃鐘是也

駕發警蹕周官鄭康成注蹕謂止行者清道若今之

警蹕是也王以下朝服先至

大成門外文王世子天子視學大昕鼓徵所以警衆也衆至然後天子至是也

皇帝乘輿至廟門內及大次下輿贊引官前導禮官奏行禮周官道右王下則以蓋從又小宗伯逆齋省鑊告時于王告備于王是也

皇帝由中階上入殿中門北鄉立學記大學之禮雖詔於天子無北面所以尊師也是也

皇帝行釋菜禮文王世子始立學者既興器用幣然後釋菜不舞不授器乃退饋于東序一獻無介語可也又周官大胥春入學舍采合舞注舍卽釋也采讀爲菜始入學必釋菜禮先師也菜蘋蘩之屬疏詩有采蘋采蘩皆菜各言之屬者周禮又有芹茆之等亦菜名也月令仲春命樂正習舞釋菜天子乃帥三公九卿諸侯大夫親往視之注命習舞者萬物始出地鼓舞也將舞必釋菜於先師以禮之夏小正曰丁亥



舞入學又學記大學始教皮弁祭菜示敬道也注  
祭菜禮先聖先師菜謂芹藻之屬是也禮畢

皇帝乘輿

御藝倫堂更裘服王及衍聖公大學士以下祭酒司  
業及所屬官率諸生均先至

辟雍南以次序立於是

皇帝御辟雍詩靈臺篇於樂辟雍傳水旋邱如璧以  
節觀者又文王有聲篇鎬京辟廱自西自東自南自

北無思不服變武王於鎬京行辟靡之禮自四方來  
觀者皆感化其德心無不歸服者又王制天子曰辟  
靡注辟明也靡和也所以明和天下疏謂於此學中  
習學道藝欲使天下之人悉皆明達和諧也此注解  
其義詩注解其形又白虎通德論辟雍所以行禮樂  
宣教化也辟者象璧圓以法天也雍者雍之以水象  
教化流行也是也中和韶樂作奏盛平之章尚書益  
稷篇夏擊鳴球搏拊琴瑟以咏下管鼗鼓合止祝啟

笙鏞以間簫韶九成鳳凰來儀周官太師帥瞽登歌  
令奏擊拊下管播樂器令奏鼓楛又祭統歌莫重於  
升歌又郊特牲歌者在上匏竹在下貴人聲也是也  
樂止鴻臚贊齊班丹陛大樂作鴻臚官贊百官行禮  
畢樂止鴻臚官引講官及王以下進周官司士正朝  
儀之位是也

皇帝賜講官坐講官以次進講

皇帝宣講

御論王公以下咸肅容聽

講說命惟數學半念終始典于學是也於是

皇帝講學禮成迺下

詔廣解額周官鄉大夫獻賢能之書于王登于天府  
內史貳之是也

詔賜百官幣各有差周官大宰匪頒之式注謂分賜  
羣臣是也於時王公以下迄於孝廉明經博士弟子

叩瞻

聖顏恭聆

睿論莫不踴躍鼓舞至於敷天之下含生之屬悉聽

風聲亦皆翹歎感奮誠歡誠喜

臣

心儀倅游職厠胥

鼓將植是方之嘉木備榛楛焉是用屬青衿緇帶咀  
經修道之士而會於絳序而教告之旣條敘

盛禮又綜采六籍以覃究精義乃言曰夫闡學明道  
懋德也廣教甄義懿典也窮極叢芮紀其要領以延  
輝乎將來臣子之事也

皇帝緝敬敦典

躬體

誨言以熙庶績以醵應諸福蓋自循蜚而後圖牒之所展錯綏眉輯祉曾未聞若

今日之盛迺若

昭事翼翼

寅奉

三大祀三日

絜齊格於

蒼昊是惟

聖天子欽若之誠歲時烝嘗

薦馨受福

虔誦成

錄以凜

貽謀是惟

聖天子紹

聞之恪元正耆宴奉

怡衍嘏

行墀合樂綵舞臚歡是惟

聖天子

尊養之至印承

訓以釐百工傳餐書接簽名時敘是惟

聖天子勤政之寶一隅告歉

詔加撫卹



恩施疊沛不可殫計是惟

聖天子惠養之仁至於

籌濬之勤則河澄海鏡虔酬

神貺庶獄之愼則輕重出入務協大中

賚予之渥則五世百齡耆臣艾士多邀

恩賜遠人之柔則朝鮮與宴土州奉法廓喀請觀海  
隅日出鱗集仰流

武義之盛則干羽舞階有苗旣格蘖芽潛發同仇敵

隤巍巍乎

聖德之純懿悉本

太上皇帝執中之傳朝夕稟

誨以疑承

昊佑敷錫同民文言曰君子學以聚之問以辨之寬

以居之仁以行之又曰與天地合其德是大人之事

始於學問而極於參覆載贊化育

臣

今者涵泳

聖涯合之

前聖所云有同揆焉至德要道緣督爲經本諸躬行  
垂爲言教以是修禮而禮斯盛以是闡義而義斯明  
於是學禮學義乃麟麟昭備是用

戢純祉提蕃釐合萬方歡心以上奉

曼壽多福於無疆也猗歟盛哉